

ქ. თბილისი

22 მაისი 2018 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილის მისი დირექტორის გიორგი კობერიძის სახით და მეორეს მხრივ, შპს „ნდს მშენებლობა“ (შემდგომში „მიმწოდებელი“) წარმოდგენილი მისი დირექტორის ზურაბ გუგუშვილის სახით, „სახელმწიფო შესყიდვის შესახებ“ საქართველოს კანონისა და პრეტენდენტის სატენდერო წინადადების საფუძველზე, შპს „საქართველოს გაერთიანებული წყალმომარაგების კომპანიის“ მიერ 2018 წლის 22 მარტს გამოცხადებული DAP180000039 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს იგივე მნიშვნელობა, რაც სახელმწიფო შესყიდვების შესახებ კანონსა და მის საფუძველზე გამოცემულ სააგენტოს თავმჯდომარის სახელმწიფო შესყიდვების მარეგულირებელ სხვა კანონქვემდებარე ნორმატიულ აქტებში.

2. ხელშეკრულების საგანი

2.1. წინამდებარე ხელშეკრულების საგანს წარმოადგენს ქ.თერჯოლის წყალმომარაგების სათავე ნაგებობის ნაპირდაცვის სამშენებლო სამუშაოებისთვის საჭირო საპროექტო-საბარჯთაღრიცხვო დოკუმენტაციის მოსამზადებლად საჭირო მომსახურებისა და შესაბამისი სამშენებლო სამუშაოების შესყიდვა საქართველოს მთავრობის 2018 წლის 6 მარტის N541 განკარგულების საფუძველზე გამოყოფილი სახსრებით (CPV45243000 - სანაპიროს დამცავი ნაგებობების მშენებლობა).

2.2 სამუშაო შესრულებულ უნდა იქნეს ტექნიკური დავალების, დანართ N1-ის (BoQ ფაილი) და დანართი 2-ის (სამუშაოს შესრულების გეგმა-გრაფიკი) შესაბამისად, რაც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების სავარაუდო ჯამური ღირებულება შეადგენს 291 165 (ორას ოთხმოცდათერთმეტი ათას ას სამოცდახუთი) ლარს დ.დ.გ-ს ჩათვლით.

3.2. ხელშეკრულების ზუსტი ღირებულება გამოითვლება ფაქტიურად შესრულებული სამუშაოს მიხედვით.

3.3. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ მიმწოდებლის ყველა ხარჯს (მათ შორის ექსპერტიზის ხარჯებს) და საქართველოს კანონმდებლობით გათვალისწინებულ გადასახადებს;

3.4. ხელშეკრულების ღირებულების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

3.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ფასის 10%-ზე მეტი ოდენობით გაზრდა;

4. ანგარიშსწორების წესი

4.1 ანგარიშსწორება მოხდება უნაღდო ანგარიშსწორებით ლარში.

4.2 დაფინანსების წყარო: საქართველოს მთავრობის 2018 წლის 6 მარტის N541 განკარგულების საფუძველზე გამოყოფილი სახსრები.

4.3 ანგარიშსწორება განხორციელდება შემდეგი ეტაპების მიხედვით:

I ეტაპი - BoQ GEO ფაილის პირველი პოზიციით გათვალისწინებული სამუშაოების დასრულების შემდგომ, ამავე ფაილში მითითებული თანხის შესაბამისად, ექსპერტიზის დასკვნის წარმოდგენის შემდეგ, მიღება-ჩაბარების აქტისა და ანგარიშსწორებისათვის საჭირო საქართველოს კანონმდებლობით განსაზღვრული სხვა დოკუმენტაციის მიმწოდებლის მიერ წარმოდგენიდან 10 სამუშაო დღეში ღირებულების 10%-ის დაკავებით (წინამდებარე სამუშაოების მიღება- ჩაბარების აქტს შემსყიდველის მხრიდან ხელს მოაწერს საპროექტო დეპარტამენტის უფროსი).

II ეტაპი - ეტაპობრივად, მიმწოდებლის მიერ წარმოდგენილი დეტალური ბარჯთაღრიცხვის საფუძველზე მიმწოდებლისა და შემსყიდველის უფლებამოსილი პირების მიერ შედგენილი და ხელმოწერილი ფაქტიურად შესრულებული სამუშაოების აქტის (ფორმა 2); შესრულებითი ნახაზების (ბეჭდური და ელექტრონული ვერსია)

და ელექტრონული საგადასახადო ანგარიშ-ფაქტურის მიმწოდებლის მიერ წარმოდგენიდან 10 სამუშაო დღეში, შესრულებული სამუშაოს ღირებულების 10%-ის დაკავებით (წინამდებარე სამუშაოების მიღება-ჩაბარების აქტს შემსყიდველის მხრიდან ხელს მოაწერს მშენებლობის ზედამხედველობის დეპარტამენტის უფლებამოსილი წარმომადგენელი).

III ეტაპი - სამუშაოების სრულად დასრულებისა და ექსპერტიზის დასკვნის წარმოდგენის შემდეგ, მიმწოდებლის მიერ წარმოდგენილი ხარჯთაღრიცხვის შესაბამისად შედგენილი საბოლოო მიღება-ჩაბარების აქტის (მაგრამ არაუმეტეს მიმწოდებლის მიერ წარმოდგენილი BoQ-GEO ფაილის ჯამური ღირებულებისა) და ანგარიშსწორებისთვის საჭირო სხვა დოკუმენტაციის მიმწოდებლის მიერ წარმოდგენიდან 10 (ათი) სამუშაო დღეში, ფაქტიურად შესრულებული სამუშაოების ღირებულების 2,5%-ის დაკავებით; (შემსყიდველი უფლებამოსილია არ დაუკაოს მიმწოდებელს აღნიშნული 2,5% იმ შემთხვევაში, თუ მიმწოდებელი საბოლოო ანგარიშსწორების დროს წარმოადგენს დასაკავებელი თანხის ოდენობის უპირობო/გამოუთხოვად საბანკო გარანტიას (გაცემული საქართველოში მოქმედი საბანკო დაწესებულების, საქართველოში მოქმედი კანონმდებლობის შესაბამისად ლიცენზირებული სადაზღვეო კომპანიის ან საქართველოში მოქმედი კანონმდებლობის შესაბამისად ლიცენზირებული საკრედიტო დაწესებულების მიერ, რომელიც უფლებამოსილია გასცეს უპირობო/გამოუთხოვადი საბანკო გარანტია, გარანტიის მოქმედების ვადა მინიმუმ მინიმუმ 15 კალენდარული დღით უნდა აღემატებოდეს შესრულებული სამუშაოების საგარანტიო ვადას). იმ შემთხვევაში თუ, საგარანტიო პერიოდის განმავლობაში ობიექტზე გამოვლენილი დეფექტების გამოსწორებას მიმწოდებელი ორგანიზაცია ვერ უზრუნველყოფს ან უარს აცხადებს მათ აღმოფხვრაზე, შემსყიდველი შეაფასებს დეფექტების აღმოფხვრის ხარჯს და უზრუნველყოფს წარმოდგენილი საბანკო გარანტიიდან თანხის მოთხოვნას მის პროპორციულად. თუ დეფექტების აღმოფხვრის ხარჯისათვის საჭირო თანხა აღემატება საბანკო გარანტიით განსაზღვრულ თანხას, შემსყიდველი დამატებით დააკისრებს მიმწოდებელს ზემოაღნიშნული განსხვავების გადახდას, საქართველოს კანონმდებლობით დადგენილი წესით);

IV ეტაპი 2,5% დაკავების შემთხვევაში - ფაქტიურად შესრულებული სამუშაოების ღირებულების 2,5% საგარანტიო ვადის გასვლის შემდგომ მიმწოდებლის წერილობითი მოთხოვნიდან 10 (ათი) სამუშაო დღეში (წერილობით მოთხოვნას თან უნდა ახლდეს შემსყიდველის მხრიდან ინსპექტირებაზე პასუხისმგებელი პირის დასტური მასზედ, რომ საგარანტიო პერიოდის განმავლობაში შესრულებულ სამუშაოს არ გამოუვლენია დეფექტი ან და გამოვლენილი დეფექტი სრულად აღმოფხვრილია მიმწოდებლის მიერ).

4.4 მიმწოდებლის დასაბუთებული მოთხოვნის შემთხვევაში „შემსყიდველი“ ავანსის სახით გადაუხდის „მიმწოდებელს“ სახელშეკრულებო თანხის არაუმეტეს 30%-ს, იმავე თანხაზე საბანკო გარანტიის (გაცემული საბანკო დაწესებულების, საქართველოში მოქმედი კანონმდებლობის შესაბამისად ლიცენზირებული სადაზღვეო კომპანიის ან საკრედიტო დაწესებულების მიერ) წარმოდგენიდან 10 (ათი) საბანკო დღის ვადაში. ავანსის სახით მიღებული თანხის გახარჯვის შესახებ დამადასტურებელი დოკუმენტების წარდგენა მიმწოდებელმა უნდა უზრუნველყოს გახარჯვიდან 10 (ათი) კალენდარულ დღის განმავლობაში. არამიზნობრივად დახარჯვის შემთხვევაში შემსყიდველი ორგანიზაცია გამოითხოვს საბანკო გარანტიით განსაზღვრულ თანხას (ავანსის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას).

4.5 ავანსის სახით მიღებული თანხის გახარჯვის დამადასტურებელი დოკუმენტების წარდგენა მიმწოდებელმა უნდა უზრუნველყოს გახარჯვიდან 10 (ათი) კალენდარულ დღის განმავლობაში. არამიზნობრივად დახარჯვის შემთხვევაში შემსყიდველი ორგანიზაცია გამოითხოვს საბანკო გარანტიით განსაზღვრულ თანხას, მიმწოდებლის მიერ ინფორმაციის წარმოდგენლობის შემთხვევაში შემსყიდველი ორგანიზაცია ასევე უფლებამოსილია გამოითხოვს საბანკო გარანტიით განსაზღვრულ თანხას.

შენიშვნა: საქართველოში მოქმედი კანონმდებლობის შესაბამისად საკრედიტო დაწესებულების ან სადაზღვეო კომპანიის მიერ გაცემული საბანკო გარანტიის წარმოდგენის შემთხვევაში პრეტენდენტი ვალდებულია ასევე წარმოადგინოს საბანკო გარანტიის გამცემი კომპანიის ძალაში მყოფი ლიცენზია ან სხვა დოკუმენტი, რომლითაც დადასტურდება საბანკო გარანტიის გაცემის უფლებამოსილება - წინააღმდეგ შემთხვევაში შემსყიდველი უფლებამოსილია არ მიიღოს წარმოდგენილი საბანკო გარანტია.

4.6 წინასწარი ანგარიშსწორების შემთხვევაში, ავანსის პროპორციული დაქვითვა მოხდება ეტაპობრივად, ყოველი გადახდის დროს. ამასთან ბოლო შესრულებული სამუშაოს აქტის (ფორმა 2) წარმოდგენის შემდეგ „მიმწოდებელს“ დაექვითება ავანსის თანხის დარჩენილი ნაწილი სრულად.

4.7 ექსპერტიზის დასკვნის ღირებულების ანაზღაურება მოხდება ექსპერტიზის გამცემი ორგანიზაციიდან წარმოდგენილი ექსპერტიზის ღირებულების დამადასტურებელი დოკუმენტის საფუძველზე, მაგრამ არაუმეტეს მიმწოდებლის მიერ წარმოდგენილი დეტალურ ხარჯთაღრიცხვაში ექსპერტიზის ჩასატარებლად განსაზღვრული ღირებულებისა.

4.8 4.3 პუნქტის III ეტაპით გათვალისწინებული ანგარიშსწორებისთვის საბოლოო მიღება-ჩაბარების აქტთან ერთად მიმწოდებელმა უნდა წარმოადგინოს სსიპ „ლევან სამხარაულის სახელობის ექსპერტიზის ეროვნული ბიუროს“ ან სსიპ „აკრედიტაციის ერთიანი ეროვნული ორგანო - აკრედიტაციის ცენტრის“ მიერ აღნიშნულ სფეროში აკრედიტებული სხვა საექსპერტო დაწესებულების მიერ გაცემული დადებითი დასკვნა, მიღება-ჩაბარების აქტი და ელექტრონული ანგარიშფაქტურა.

4.9 გაუთვალისწინებელი სამუშაოების ხარჯების ანაზღაურება განხორციელდება მხოლოდ ასეთი ხარჯების არსებობის შემთხვევაში. გაუთვალისწინებელი ხარჯების არსებობისას მიმწოდებელმა უნდა უზრუნველყოს ასეთი ხარჯების დეტალური გამიჯვრა და დასაბუთება, რომლის საფუძველზეც მიზანშეწონილად მიჩნევის შემთხვევაში შემსყიდველის მხრიდან ინსპექტირებაზე პასუხისმგებელი პირის მიერ განხორციელება შესასრულებელი სამუშაოების განხორციელების დადასტურება. გაუთვალისწინებელი სამუშაოების გაწევის უფლება მიმწოდებელს ეძლევა შესყიდვლის მხრიდან ინსპექტირებაზე პასუხისმგებელი პირის თანხმობის შემთხვევაში;

5. ხელშეკრულების შესრულების კონტროლი

- 5.1. შემსყიდველ მხარეს უფლება აქვთ განახორციელოს კონტროლი სამუშაოების მიმდინარეობაზე, რათა დარწმუნდნენ მათ შესაბამისობაში ხელშეკრულებით გათვალისწინებულ პირობებთან.
- 5.2. ხელშეკრულების მიმდინარეობის კონტროლის მიზანს წარმოადგენს:
- 5.2.1. სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;
 - 5.2.2. შესრულებული სამუშაოს ხარისხისა და მოცულობის ხელშეკრულების პირობებთან (ხარჯთაღრიცხვა, გეგმა-გრაფიკი, ტექნიკური პირობები ნახაზები და სპეციფიკაციები) შესაბამისობის დადგენა, შესაბამისი ინსპექტირების დასკვნის შედგენა (აუცილებლობის შემთხვევაში)
 - 5.2.3. ფარული სამუშაოების კონტროლი (ასეთის არსებობის შემთხვევაში), მიწოდებული სამუშაოების წინამდებარე ხელშეკრულების დანართთან (ხარჯთაღრიცხვა) ურთიერთშედარება და მათ საფუძველზე მიმწოდებლის მიერ შესრულებულ სამუშაოების ან მისი ნაწილის მოცულობისა და ღირებულების დადგენა, ფორმა 2-ების დამოწმება და ანგარიშსწორების პროცესის რეგულირება.
 - 5.2.4. ტექნიკური დავალების დანართებით გათვალისწინებული ღონისძიებებისა და საქართველოს მოქმედი კანონმდებლობით გათვალისწინებული სხვა ღონისძიებების განხორციელება.
 - 5.2.5. „მიმწოდებლის“ მატერიალურ-ტექნიკური ბაზისა და პროფესიული კომპეტენციის შესაბამისობის დადგენა განსახორციელებელ სამუშაოებთან მიმართებაში.
- 5.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებენ შპს „საქართველოს გაერთიანებული წყალმომარაგების კომპანიის“ საპროექტო დეპარტამენტის უფროსი და მშენებლობის ზედამხედველობის დეპარტამენტის უფლებამოსილი წარმომადგენელი.
- 5.4. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 5.5. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6. სამუშაოს შესრულების პირობები, ვადები და მიღება-ჩაბარების წესი

- 6.1 სამუშაოები შესრულებულ უნდა იქნეს მიმწოდებლის მიერ წარმოდგენილი დანართი 1-ის (BoQ GEO ფაილი), დანართი 2-ის (სამუშაოს შესრულების გეგმა-გრაფიკი), ასევე მიმწოდებლის მიერ წარმოდგენილი დეტალური ხარჯთაღრიცხვის და პროექტის შესაბამისად (პროექტს ითანხმებს და ექსპერტიზის დადებითი დასკვნის წარმოდგენის შემდეგ მიღება-ჩაბარების აქტით იბარებს საპროექტო დეპარტამენტის უფროსი). ამასთანავე დაუშვებელია პრეტენდენტის მიერ წარმოდგენილი დეტალური ხარჯთაღრიცხვის ერთეულის ღირებულების ცვლილება.
- 6.2 სამუშაოების დასრულების ვადაა ხელშეკრულების გაფორმებიდან 6 თვე (არაუგვიანეს 2018 წლის 22 ნოემბრისა), გეგმა-გრაფიკის შესაბამისად.
- 6.3 სამუშაოების მიღება განხორციელდება დანართ 1-ში (BoQ GEO ფაილი) და დანართ 2-ში (სამუშაოს შესრულების გეგმა-გრაფიკი) გაწერილი ეტაპების შესაბამისად მიმწოდებლისა და შემსყიდველის უფლებამოსილი პირების მიერ, კერძოდ დანართი 1-ის პირველი პოზიციით გათვალისწინებული სამუშაოების და მასთან დაკავშირებული სრული დოკუმენტაციის (მათ შორის დეტალური ხარჯთაღრიცხვის), ასევე ექსპერტიზის დასკვნის წარმოდგენის შემდეგ, მიღება-ჩაბარების აქტს შემსყიდველის მხრიდან ხელს მოაწერს საპროექტო დეპარტამენტის უფროსი; მიმწოდებლის მიერ წარმოდგენილი დეტალური ხარჯთაღრიცხვის საფუძველზე მიმწოდებლის მიერ შესრულებულ სამუშაოს შემსყიდველის მხრიდან ჩაიბარებს, შესაბამისად ფაქტიურად შესრულებული სამუშაოების აქტებსა (ფორმა 2) და მიღება-ჩაბარების აქტებს ხელს მოაწერს, მშენებლობის ზედამხედველობის დეპარტამენტის უფლებამოსილი წარმომადგენელი.
- 6.4 საბოლოო მიღება-ჩაბარების აქტის გაფორმებამდე ფაქტიურად შესრულებული სამუშაოების აქტის (ფორმა 2) წარდგენის შემდგომ აღმოჩენილი ხარვეზების გამოსწორება მიმწოდებელმა უნდა უზრუნველყოს საკუთარი ხარჯებით.
- 6.5 მიმწოდებელი ვალდებულია მის მიერ წარმოდგენილი პროექტითა და დეტალური ხარჯთაღრიცხვით განსაზღვრული სამუშაოების დასრულების შემდეგ მიმართოს ლ. სამხარაულის სახელობის სასამართლო ექსპერტიზის ეროვნულ ბიუროს ან სხვა აკრედიტებულ პირს ექსპერტიზის ჩატარების მოთხოვნით (სხვა აკრედიტებული პირის მიერ ექსპერტიზის ჩატარების შემთხვევაში, მიმწოდებელმა დასკვნასთან ერთად უნდა წარმოადგინოს აკრედიტების დამადასტურებელი დოკუმენტი). ექსპერტიზის დასკვნასთან ერთად მიმწოდებელი ვალდებულია წარმოადგინოს შესრულებითი ნახაზების ელექტრონული ვერსია SHP ფორმატში, სატენდერო დოკუმენტაციაზე თანდართული ინსტრუქციის შესაბამისად.
- 6.6 შესყიდვის ობიექტის საბოლოო მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დადებითი დასკვნის საფუძველზე (შემსყიდველის მხრიდან მიღება ჩაბარების აქტს და ფაქტიურად შესრულებული სამუშაოების აქტს (ფორმა 2) ხელს მოაწერს მშენებლობის ზედამხედველობის დეპარტამენტის უფლებამოსილი წარმომადგენელი).
- 6.7 მიმწოდებელი სრულად არის პასუხისმგებელი მის მიერ წარმოდგენილი დეტალური პროექტის, დეტალური ხარჯთაღრიცხვის და შესრულებული სამუშაოების საქართველოში მოქმედ კანონმდებლობასთან და

ნორმებთან/წესებთან შესაბამისობაზე, ასევე სრულად იღებს პასუხისმგებლობას შესყიდვის ობიექტის გამართულ და შეუფერხებელ ფუნქციონირებაზე.

7. ხელშეკრულების შესრულების გარანტია

7.1 სახელმწიფო შესყიდვების სააგენტოს თავმჯდომარის 2016 წლის 26 თებერვლის N2 ბრძანებით დამტკიცებული „თეთრი სიის წარმოების წესისა და პირობების დამტკიცების შესახებ“ მე-10 მუხლის პირველი პუნქტის „გ“ ქვეპუნქტისა და სახელმწიფო შესყიდვების სააგენტოს თავმჯდომარის 2018 წლის 5 იანვრის N49 განკარგულების შესაბამისად ხელშეკრულების შესრულების უზრუნველყოფის მიზნით ნაცვლად მოთხოვნილი ოდენობისა (ხელშეკრულების საერთო ღირებულების 5%) გამოიყენება სს „სადაზღვევო კომპანია ჯი პი აი“-ის მიერ 2018 წლის 17 მაისს გაცემული №FG/18 017053 საბანკო გარანტია ხელშეკრულების საერთო ღირებულების 2.5%-ის ოდენობით, საგარანტიო თანხით 7 280 (შვიდი ათას ორას ოთხმოცი) ლარი, მოქმედი 2019 წლის 28 თებერვლის ჩათვლით.

7.2 საბანკო გარანტია გამოიყენება მიმწოდებლის მიერ ხელშეკრულების პირობების შეუსრულებლობის ან/და არაჯეროვნად შესრულების ან/და მიმწოდებლის ქმედებით შემსყიდველისათვის მიყენებული ნებისმიერი ზიანის ანაზღაურების მიზნით.

7.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას შემსყიდველი ვალდებულია მიმწოდებლის მოთხოვნის შემთხვევაში უზრუნველყოს გარანტიის დაბრუნება.

8. მხარეთა უფლება-მოვალეობანი

8.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;

8.2. „შემსყიდველი“ ვალდებულია უზრუნველყოს „მიმწოდებლის“ მიერ შესრულებული სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.3. „მიმწოდებელი“ უფლებამოსილია მოსთხოვოს „შემსყიდველს“ შესრულებული სამუშაოების ღირებულების ანაზღაურება ხელშეკრულებით გათვალისწინებული პირობების და ვადების გათვალისწინებით.

8.4. „მიმწოდებელი“ ვალდებულია:

ა) უზრუნველყოს სამუშაოების შესრულება ხელშეკრულებით გათვალისწინებულ ვადებისა და პირობების შესაბამისად.

ბ) ხელშეკრულების გაფორმებიდან არაუგვიანეს 50 (ორმოცდაათი) კალენდარული დღისა შესათანხმებლად წარუდგინოს „შემსყიდველს“ საპროექტო დოკუმენტაცია. „შემსყიდველს“ მიერ წარმოდგენილ საპროექტო დოკუმენტაციის ჩაბარებიდან 10 სამუშაო დღის ვადაში გაცემული შენიშვნები და კომენტარები სრულად გაითვალისწინოს და შესაბამისად ასახოს საპროექტო დოკუმენტაციაში, შემსყიდველის მხრიდან შენიშვნების და კომენტარების წარდგენიდან არაუგვიანეს 14 კალენდარული დღის განმავლობაში კონტრაქტორმა უნდა „შემსყიდველს“ წარუდგინოს ლ.სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა (სხვა აკრედიტებული პირის მიერ ექსპერტიზის ჩატარების შემთხვევაში, მიმწოდებელმა დასკვნასთან ერთად უნდა წარმოადგინოს აკრედიტირების დამადასტურებელი დოკუმენტი). მიმწოდებელი სრულად არის პასუხისმგებელი მის მიერ წარმოდგენილი დეტალური პროექტის, დეტალური ხარჯთაღრიცხვის და შესრულებული სამუშაოების საქართველოში მოქმედ კანონმდებლობასთან და ნორმებთან/წესებთან შესაბამისობაზე, ასევე სრულად იღებს პასუხისმგებლობას შესყიდვის ობიექტის გამართულ და შეუფერხებელ ფუნქციონირებაზე.

გ) წარმოდგენილი პროექტითა და დეტალური ხარჯთაღრიცხვით განსაზღვრული სამუშაოები შეასრულოს დროულად და ხარისხიანად, ხოლო სამუშაოების დასრულების შემდეგ მიმართოს ლ. სამხარაულის სახელობის სასამართლო ექსპერტიზის ეროვნულ ბიუროს ან სხვა აკრედიტებულ პირს ექსპერტიზის ჩატარების მოთხოვნით (სხვა აკრედიტებული პირის მიერ ექსპერტიზის ჩატარების შემთხვევაში, მიმწოდებელმა დასკვნასთან ერთად უნდა წარმოადგინოს აკრედიტების დამადასტურებელი დოკუმენტი). ექსპერტიზის დასკვნასთან ერთად მიმწოდებელი ვალდებულია წარმოადგინოს შესრულებითი ნახაზების ელექტრონული ვერსია SHP ფორმატში, სატენდერო დოკუმენტაციაზე თანდართული ინსტრუქციის შესაბამისად.

9. საგარანტიო პირობები

9.1 მიმწოდებლის მიერ შესრულებულ სამუშაოებზე ვრცელდება გარანტია საბოლოო მიღება-ჩაბარების აქტის გაფორმებიდან 1 (ერთი) წლიანი საგარანტიო ვადა.

9.2 საგარანტიო პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების/დაზიანებების აღმოფხვრა.

9.3 შემსყიდველის მიერ დაკავებული თანხა (ფაქტიურად შესრულებული სამუშაოების ღირებულების 2,5%-შესრულებული სამუშაოების ღირებულების 2,5%-ის დაკავების შემთხვევაში) წარმოადგენს მიმწოდებლის მხრიდან

შესრულებული სამუშაოების გარანტიის ფინანსურ უზრუნველყოფას.

9.4 თუ მიმწოდებელი საგარანტიო პერიოდის განმავლობაში უარს განაცხადებს საგარანტიო პირობებით გათვალისწინებული ვალდებულებების შესრულებაზე, შემსყიდველი უფლებამოსილია უარი თქვას 4.3 პუნქტის III-ეტაპით გათვალისწინებული თანხის გადახდაზე (შესრულებული სამუშაოების ღირებულების 2,5%-ის დაკავების შემთხვევაში).

10. ხელშეკრულების პირობების შეუსრულებლობა

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.2. ხელშეკრულებით ნაკისრი ვალდებულებების შეუსრულებლობის შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადახდილი პირგასამტეხლოს ანაზღაურება.

10.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10.5. ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს სამუშაოს ღირებულებიდან, იმ შემთხვევაში თუ სამუშაოს შესრულება არ არის განხორციელებული, მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ სამუშაოს ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და სამუშაოს ღირებულებას შორის არსებული სხვაობა შემსყიდველის სასარგებლოდ.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, შემსყიდველს ასევე შეუძლია ცალმხრივად მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შესრულოს სამუშაო ან მისი ნაწილი;

ბ) თუ პროექტის განხორციელება ეკონომიკურად არაეფექტური გახდა შემსყიდველისთვის;

გ) მიმწოდებლის გაკოტრების შემთხვევაში;

დ) მიმწოდებელი აჩერებს სამუშაოთა წარმოებას 10 დღეზე უფრო ხანგრძლივი დროით, მაშინ როდესაც ეს შეჩერება არ იყო ნებადართული შემსყიდველის მიერ;

ე) სამუშაოთა ზედამხედველი განახორციელებს შეტყობინებას, რომ რომელიმე დეფექტის აღმოუფხვრელობა წარმოადგენს ხელშეკრულების არსებით დარღვევას და მიმწოდებელმა ვერ შეძლო ამ დეფექტის გასწორება ზედამხედველის მიერ დასაბუთებულად დადგენილი დროის განმავლობაში;

ვ) საჭიროების შემთხვევაში მიმწოდებელი არ წარმოადგენს საჭირო გარანტიებს;

ზ) საქართველოს მოქმედი კანონმდებლობით გათვალისწინებულ სხვა შემთხვევებში;

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში მიმწოდებელმა 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ, ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა..

12.4. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადასინჯვის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

14. ხელშეკრულების მოქმედების ვადა

14.1. ხელშეკრულება ძალაში შედის ხელშეკრულების ხელმოწერის დღიდან და მოქმედებს 2018 წლის 31 დეკემბრის ჩათვლით, გარდა ხელშეკრულების მე-9 მუხლისა;

14.2. ხელშეკრულების მე-9 მუხლი ძალაშია მთელი საგარანტიო პერიოდის განმავლობაში.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან.

15.4. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16. მხარეთა რეკვიზიტები

"შემსყიდველი"

შპს „საქართველოს გაერთიანებული

წყალმომარაგების კომპანია"

მის: ქ. თბილისი, ვაჟა ფშაველას ქ. N76ბ

ტელეფონი: 995 32 2919060

სს „ლიბერთი ბანკი"

ცენტრალური ფილიალი

კოდი: 220101480, LBRTGE22

ა/ა N GE77LB0113123325230012

ს/კ 412670097

"მიმწოდებელი"

შპს „ნდს მშენებლობა"

მისამართი: ქ. თბილისი, მ.ალექსიძის 8

ტელ: 599 51 92 52

ს/კ: 206046795

საბანკო რეკვიზიტები:

სს „თიბისი ბანკი"

TBCBGE22

GE92TB7386536050100002

ელექტრონული ფოსტა:

ltdndcconstruction@gmail.com

დირექტორი

გიორგი კობერიძე



დირექტორი

ზურაბ გუგუშაშვილი



დანართი N1 ხარჯთაღირებვა (BoQ ფაილი)			
№	სამუშაოები	ერთეული	თანხა
I საპროექტო სამუშაოები			
1.1	საკვლეფ-სამიწები და საპროექტო-სახარჯთაღირებვო დოკუმენტაციის მომზადება (ტექნიკური დავალირების შესაბამისად) და ექსპერტიზის ჩატარება	ფიქსირებული ფასი (Lump sum)	12,000.00
2 სამშენებლო სამუშაოები			
2.1	სათავე ნაგებობის ნაპირდაცვითი სამუშაოების განხორციელება	ფიქსირებული ფასი (Lump sum)	222,000.00
2.2	შესრულებითი ნახაზების მომზადება	ფიქსირებული ფასი (Lump sum)	1,000.00
ჯამი:			
	ბალუთვალისწინებული სამუშაოები:		235,000.00
	ჯამი:	5%	11,750.00
	დამატებითი ღირებულებების გადასახადი (დღგ):	18%	246,750.00
	სულ ჯამი:		44,415.00
"შემსყიდველი"			291,165.00

"მიმწოდებელი"

შპს „ნდს მშენებლობა“

დირექტორი

ზურაბ გუგუშაშვილი



შპს „საქართველოს გაერთიანებული წყალმომარაგების კომპანია“

დირექტორი

გიორგი კობერიძე



სამუშაოს შესრულების გეგმა-გრაფიკი																			დანართი N1								
ქ.თერჯოლის წყალმომარაგების სათავე ნაგებობის ნაპირდაცვის სამშენებლო სამუშაოებისთვის საჭირო საპროექტო-სახარჯთაღრიცხვო დოკუმენტაციის მოსამზადებლად საჭირო მომსახურებისა და შესაბამისი სამშენებლო სამუშაოები																			სამუშაოების წარმოების ხანგრძლიობა								
№	სამუშაოები	I თვე			II თვე			III თვე			IV თვე			V თვე			VI თვე										
		1-10	11-20	21-30	1-10	11-20	21-30	1-10	11-20	21-30	1-10	11-20	21-30	1-10	11-20	21-30	1-10	11-20	21-30								
1	საპროექტო სამუშაოები																										
1	საკვლევ-საძიებო და საპროექტო-სახარჯთაღრიცხვო დოკუმენტაციის მომზადება (ტექნიკური დავალების შესაბამისად) და ექსპერტიზის ჩატარება																										
2	სამშენებლო სამუშაოები																										
1	სათავე ნაგებობის ნაპირდაცვითი სამუშაოების განხორციელება																										
2	შესრულებითი ნახაზების მომზადება																										

შპს „საქართველოს გაერთიანებული წყალმომარაგების კომპანია“

დირექტორი



გიორგი კობერიძე

შპს „ნდს მშენებლობა“

დირექტორი

ზურაბ გუგუშვილი





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება



ტექნიკური დავალება

ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

დოკუმენტის სახელი	ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება
თარიღი	30-Jan-18 7:57:00 PM

დოკუმენტის ისტორია			
ვერსია	თარიღი	ავტორი	ცვლილების მიზეზი
1	26.01.2018	გ.ჩიტაძე ს.ინჯია	





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-საბარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

სარჩევი

1. შესავალი.....	3
1.1. ადგილმდებარეობა.....	3
1.2. არსებული მდგომარეობის აღწერა.....	4
2. მიზანი და მოსალოდნელი შედეგები.....	4
2.1. მიზანი	4
2.2. მისაღწევი შედეგები	4
3. კონკრეტული აქტივობები	4
3.1. ზოგადი	4
3.2. საპროექტო სამუშაოები	4
3.2.1. საპროექტო დოკუმენტაციის შეთანხმება	6
3.2.2. დამატებითი მოთხოვნები	6
3.3. სამშენებლო სამუშაოები	6
3.4. დაწყების თარიღი და განხორციელების პერიოდი	6
3.5. შუალედური გადახდები	7
4. კვალიფიკაცია.....	7





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

1. შესავალი

1.1. ადგილმდებარეობა

ქ.თერჯოლის წყალმომარაგების სათავე ნაგებობა განთავსებულია სოფ. სიქთარვის ტერიტორიაზე, ნაკვეთის საკადასტრო კოდი 33.08.38.011, ფართობი - 205 024 მ². ქ.თერჯოლის სამხრეთ-დასავლეთით დაახლოებით 7 კმ-ის მანძილზე, მდინარე მდ. ჩოლაბურის მარჯვენა სანაპიროზე.





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

1.2. არსებული მდგომარეობის აღწერა

ამჟამად სადრენაჟე სისტემა მუშაობს ავარიული რისკის რეჟიმში, მდ.ჩოლაბურის ადიდების შემთხვევაში მოსალოდნელია დრენაჟების გადარეცხვა, რამაც შესაძლოა გამოიწვიოს წყლის ამღვრევა.

2. მიზანი და მოსალოდნელი შედეგები

2.1. მიზანი

აღნიშნული ტექნიკური დავალების ძირითადი მიზანია, დაეხმაროს დამკვეთს განახორციელოს ქ.თერჯოლის წყალმომარაგების სათავე ნაგებობის ნაპირდამცავი ნაგებობის საპროექტო და სამშენებლო სამუშაოები.

2.2. მისაღწევი შედეგები

კონტრაქტორის მიერ მისაღწევი შედეგებია:

- ნაპირდაცვითი სამუშაოებისთვის დეტალური საპროექტო დოკუმენტაციის მომზადება საქართველოში მოქმედი სამშენებლო ნორმებისა და წესების შესაბამისად;
- სამშენებლო სამუშაოების განხორციელება დამკვეთთან შეთანხმებული დეტალური პროექტის და გეგმა-გრაფიკის შესაბამისად.

3. კონკრეტული აქტივობები

3.1. ზოგადი

კონტრაქტორი ვალდებულია, იცოდეს და გაითვალისწინოს ნაპირდაცვითი ნაგებობების პროექტირება-მშენებლობასთან დაკავშირებული ყველა სამთავრობო საკანონმდებლო მოთხოვნა, სამშენებლო ნორმები და წესები, მათ შორის СНиП 3.07.01-85, СНиП 2.06.01-86, СНиП 2.06.07-87, СНиП 2.06.15-85.

პროექტირება & მშენებლობა მოიცავს დეტალური საპროექტო დოკუმენტაციის, სამშენებლო სამუშაოების ხარჯთაღრიცხვისა და გეგმა-გრაფიკის მომზადებას და დამკვეთთან შეთანხმებას, რის საფუძველზეც უნდა განხორციელდეს სამშენებლო სამუშაოები.

3.2. საპროექტო სამუშაოები

კონტრაქტორმა უნდა შეისწავლოს არსებული მდგომარეობა და განახორციელოს საკვლევ-საძიებო და საპროექტო სამუშაოები, კერძოდ:

1. ჩატარდეს ადგილმდებარეობის რეკონოსცირება, სანაპირო ზონების დაზიანებული მონაკვეთის საზღვრების დადგენა, რომელსაც სჭირდება გადაუდებელი ნაპირსამაგრი ღონისძიებების ჩატარება;





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

2. წარმოდგენილი იქნას საკვლევი ტერიტორიის ტოპო-გეოდეზიური და ბათიმეტრიული აგეგმა, მ. 1:1000 (ნაპირის მიმდებარე ტერიტორიით, მდინარის ჭალა-კალაპოტი);
3. წარმოდგენილი იქნას მდინარის განივი და გრძივი პროფილები;
4. ჩატარდეს საკვლევი უბნის ბუნებრივი პირობების გამოკვლევა:
 - კლიმატური პირობები;
 - საინჟინრო გეოლოგიური პირობები;
 - საინჟინრო ჰიდროლოგიური პირობები (მდინარის ზოგადი დახასიათება, საანგარიშო ხარჯის განსაზღვრა, საანგარიშო დატბორვის დონეების განსაზღვრა, ნაკადის საანგარიშო სიჩქარის დადგენა, კალაპოტის ზოგადი წარეცხვის საშუალო და მაქსიმალური დონეების განსაზღვრა);
5. ზემოაღნიშნულ კვლევებზე დაყრდნობით შერჩეულ იქნას ნაპირდამცავი ნაგებობის ტიპი მდინარის რეჟიმისა და რეგიონში არსებული სამშენებლო მასალის კარიერების არსებობის გათვალისწინებით;
6. წარმოდგენილ იქნას საპროექტო ნაპირდამცავი ნაგებობის (საორიენტაციო სიგრძე 250მ) დეტალური (მუშა) პროექტი;
7. პროექტით განსაზღვრული სამუშაოების განხორციელებისათვის ყველა საჭირო ნებართვის მისაღებად ტექნიკური დოკუმენტაციის მომზადება;
8. წარმოდგენილი უნდა იყოს დეტალური ტექნიკური სპეციფიკაციები. სპეციფიკაციები უნდა მოიცავდეს ყველა სამშენებლო და სამონტაჟო ინფორმაციას:
 - სამშენებლო მასალებისა და ანაკრები კომპონენტების ტიპები, ხარისხი და შესაბამისობის სტანდარტები;
 - მუშახელის კვალიფიკაცია;
 - მშენებლობის მეთოდოლოგია;
9. სამშენებლო სამუშაოების დეტალური ხარჯთაღრიცხვის მომზადება შემდეგი პუნქტების გათვალისწინებით:
 - სავალდებულო არაა „თერჯოლა_სათ.ნაგ._ნაპირდაცვა_BoQ“ ფაილის შესაბამისი პოზიციის ღირებულება ემთხვეოდეს დეტალური ხარჯთაღრიცხვით განსაზღვრულ იმავე პოზიციის ღირებულებას, თუმცა, მიმწოდებლის მიერ წარმოდგენილი დეტალური ხარჯთაღრიცხვის საერთო ღირებულება არ უნდა აღემატებოდეს ამავე მიმწოდებლის მიერ ტექნიკური დოკუმენტაციის სახით ბოლოს ატვირთული „თერჯოლა_სათ.ნაგ._ნაპირდაცვა_BoQ“ ფაილის ჯამურ ღირებულებას;
 - თუ, დამკვეთის აზრით, სამშენებლო სამუშაოების ხარჯთაღრიცხვა სერიოზულად დაუბალანსებელია და საწყისი სამუშაოების ღირებულება ხელოვნურადაა გაზრდილი, დამკვეთი იტოვებს უფლებას, კონტრაქტორს





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

მოსთხოვოს ხარჯთაღრიცხვაში მოცემული რომელიმე და/ან რამდენიმე მუხლის ფასების დეტალური ანალიზი, რათა უჩვენოს ასეთი ფასების შესაბამისობა სამშენებლო მეთოდებსა და შემოთავაზებულ გრაფიკთან;

10. პროექტის ტექნიკურ ნაწილს უნდა ჩაუტარდეს ექსპერტიზა.

3.2.1. საპროექტო დოკუმენტაციის შეთანხმება

კონტრაქტორი ვალდებულია, ხელშეკრულების გაფორმებიდან არაუგვიანეს 50 (ორმოცდაათი) კალენდარული დღისა შესათანხმებლად წარმოადგინოს საპროექტო დოკუმენტაცია. დამკვეთი იტოვებს უფლებას, რომ საპროექტო დოკუმენტაციის ჩაბარებიდან 10 სამუშაო დღის ვადაში გასცეს შენიშვნები და კომენტარები წარმოდგენილ დოკუმენტაციაზე. კონტრაქტორი ვალდებულია, სრულად გაითვალისწინოს დამკვეთის შენიშვნები და შესაბამისად ასახოს საპროექტო დოკუმენტაციაში, შემსყიდველის მხრიდან შენიშვნების და კომენტარების წარდგენიდან არაუგვიანეს 14 კალენდარული დღის განმავლობაში კონტრაქტორმა უნდა წარმოადგინოს ლ.სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა (სხვა აკრედიტებული პირის მიერ ექსპერტიზის ჩატარების შემთხვევაში, მიმწოდებელმა დასკვნასთან ერთად უნდა წარმოადგინოს აკრედიტირების დამადასტურებელი დოკუმენტი). დამკვეთის მხრიდან საპროექტო დოკუმენტაციის განხილვისთვის საჭირო დრო (10 სამუშაო დღე) და ექსპერტიზის ჩატარების დრო შედის საპროექტო & სამშენებლო სამუშაოების განხორციელების საერთო ვადაში (6 თვე).

3.2.2. დამატებითი მოთხოვნები

1. საბოლოო საპროექტო დოკუმენტაცია წარმოდგენილი უნდა იქნას, როგორც ელექტრონულ, ისე ბეჭდური ვერსიების სახით; 5 ქართული ვერსია;
2. ტექსტური ნაწილი და ნახაზები წარმოდგენილი უნდა იქნას, როგორც PDF ფორმატში, ისე ორიგინალი პროგრამის ფორმატში.

3.3. სამშენებლო სამუშაოები

წარმოდგენილი საპროექტო დოკუმენტაციის დამკვეთთან შეთანხმების და ექსპერტიზის დადებითი დასკვნის წარმოდგენის შემდეგ კონტრაქტორს შეუძლია, დაიწყოს სამშენებლო სამუშაოები. პროექტის დამკვეთთან შეთანხმება არ ათავისუფლებს კონტრაქტორს პროექტზე პასუხისმგებლობისაგან. სამშენებლო სამუშაოების პროცესში გამოვლენილი, პროექტის ხარვეზით გამოწვეული, დამატებითი სამუშაოები კონტრაქტორმა უნდა განახორციელოს ხელშეკრულებით განსაზღვრული ღირებულების ფარგლებში, დამატებითი ანაზღაურების გარეშე.





ტექნიკური დავალება: ქ.თერჯოლის წყალმომარაგების სათავე ნაგებობის ნაპირდაცვის საპროექტო-სახარჯთაღრიცხვო დოკუმენტაციის მომზადება და შესაბამისი სამშენებლო სამუშაოების განხორციელება

3.4. დაწყების თარიღი და განხორციელების პერიოდი

საპროექტო-სამშენებლო სამუშაოების განხორციელების ვადაა ხელშეკრულების გაფორმებიდან 6 თვე.

3.5. შუალედური გადახდები

შესრულებული სამშენებლო სამუშაოებისათვის შუალედური გადახდები განხორციელდება წინამდებარე დოკუმენტის 3.2 პუნქტის მე-9 ქვეპუნქტით (დამკვეთთან შეთანხმებული დეტალური ხარჯთაღრიცხვით) განსაზღვრული ერთეულის ფასების და იმ პერიოდისათვის შესრულებული სამუშაოების მოცულობის მიხედვით.

შესრულებული საპროექტო სამუშაოების ანაზღაურება მოხდება 3.2 პუნქტით განსაზღვრული სრული საპროექტო დოკუმენტაციის დამკვეთთან შეთანხმების და ექსპერტიზის დადებითი დასკვნის წარმოდგენის შემდეგ.



N^o 55

" 18 " მაისი " 2018 წ.

შპს საქართველოს გაერთიანებული
წყალმომარაგების კომპანიის
დირექტორს ბატონ გიორგი კობერიძეს

ბატონო გიორგი,


ქ.თერჯოლის წყალმომარაგების სათავე ნაგებობის ნაპირდაცვის სამშენებლო სამუშაოებისთვის საჭირო საპროექტო-სახარჯთაღრიცხვო დოკუმენტაციის მოსამზადებლად საჭირო მომსახურებისა და შესაბამისი სამშენებლო სამუშაოების შესყიდვა, DAP180000039-ის სატენდერო პირობების თანახმად, წარმოგიდგენთ სსიპ საქართველოს დაზღვევის სახელმწიფო ზედამხედველობის სამსახურის მიერ სს "ჯი პი აი ჰოლდინგი"-ს სახელზე გაცემულ სალიცენზიო მოწმობას # NL 002 და ხელშეკრულების შესრულების საბანკო გარანტიას ხელშეკრულების ღირებულების 2.5%-ის ოდენობით (თეთრი სიის დებულების თანახმად), ვინაიდან 2018 წლის 05 იანვრის სახელმწიფო შესყიდვების სააგენტოს თავმჯდომარის განკარგულება #49-ის თანახმად, შპს „ნდს მშენებლობა“-ს გაუგრძელდა თეთრ სიაში რეგისტრაციის ვადა .

წერილს თან ერთვის (დანართი სამი ფურცელი):

1. გარანტიის დედანი (ერთი ფურცელი);
2. სსიპ საქართველოს დაზღვევის სახელმწიფო ზედამხედველობის სამსახურის მიერ სს "ჯი პი აი ჰოლდინგი"-ს სახელზე გაცემული სალიცენზიო მოწმობა # NL002 (ერთი ფურცელი);
3. სახელმწიფო შესყიდვების სააგენტოს თავმჯდომარის განკარგულება თეთრ სიაში რეგისტრაციის ვადის გაგრძელების შესახებ (ერთი ფურცელი).

პატივისცემით,

შპს "ნდს მშენებლობა"-ს დირექტორი:



/ზ.გუგუშაშვილი/

**ხელშეკრულების შესრულების საგარანტიო უზრუნველყოფა
(საბანკო გარანტია)**

FG/18 017053

ვის: შპს საქართველოს გაერთიანებული წყალმომარაგების კომპანიას

მხედველობაში ვიღებთ რა, რომ შპს ნდს მშენებლობა-მ (ს/კ: 206046795), შემდგომში "მიმწოდებელმა" შპს საქართველოს გაერთიანებული წყალმომარაგების კომპანიის წინაშე იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, (ქ.თერჯოლის წყალმომარაგების სათავე ნაგებობის ნაპირდაცვის სამშენებლო სამუშაოებისთვის საჭირო საპროექტო-სახარკთაღირებულო დოკუმენტაციის მოსამზადებლად საჭირო მომსახურებისა და შესაბამისი სამშენებლო სამუშაოების შესყიდვა (DAP180000039)) მის მიერ მოთხოვნილ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით არაუმეტეს თანხაზე 7 280,00 (შვიდი ათასი ორასოთხმოცი ლარი) და ვკისრულობთ ზემო აღნიშნული თანხის გადახდას "მიმწოდებლის" მიერ შპს საქართველოს გაერთიანებული წყალმომარაგების კომპანიასთან დადებული ხელშეკრულებით ნაკისრი ვალდებულების დარღვევის საფუძველზე თქვენი პირველივე მოთხოვნისთანავე.

საგარანტიო უზრუნველყოფა ძალაშია 2018 წლის 17 მაისიდან 2019 წლის 28 თებერვლის ჩათვლით. საგარანტიო ხელშეკრულების ვადის გასვლის შემდგომ მოთხოვნა საგარანტიო თანხის გადახდაზე შპს საქართველოს გაერთიანებული წყალმომარაგების კომპანიის მხრიდან აღარ მიიღება.

ეს გარანტია გაცემა პრინციპალთან (მიმწოდებელთან) 2014 წლის 14 თებერვალს გაფორმებული მომსახურების გენერალური ხელშეკრულების №GA 088/14 საფუძველზე.


გარანტი

სს "სადაზღვევო კომპანია ჯი პი აი ჰოლდინგი"
საიდენტიფიკაციო კოდი: 204426674,
კოსტავას ქ. 67, თბილისი 0160

მიმწოდებელი შედეგა
ფინანსური რისკების მენეჯერი

თარიღი: 17.05.2018





სსიპ საქართველოს დაზღვავის
სახელმწიფო ზედამხედველობის სამსახური
საღმრთაო მომსახურება № NL_002
დაზღვავის ლიცენზია (ბრუნვის მოცულობისა)

ლიცენზიის მფლობელი _____ სს სადაზღვაო ჯამაგაში „XII კი ბი ჰოლდინგი“ _____

ლიცენზიის მფლობელის საიდენტიფიკაციო ჯოდი _____ 204426674 _____ საქართველოს დაზღვავის სახელმწიფო

ლიცენზიის გაცემის თარიღი / 13 / 10 / 2006 _____ / ლიცენზიის გაცემის ბრუნვა № 20 _____ ზედამხედველობის სამსახურის უფროსის

საღმრთაო მომსახურების გაცემის თარიღი / 17 / 04 / 2015 _____ /

სსიპ საქართველოს დაზღვავის
სახელმწიფო ზედამხედველობის
სამსახურის უფროსი

/იოსებ გომრთაშვილი /



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080116600165418

49

05 / იანვარი / 2018 წ.

შპს „ნდს მშენებლობის“ თეთრ სიაში რეგისტრაციის ვადის გაგრძელების
შესახებ

სახელმწიფო შესყიდვების სააგენტოში 2017 წლის 19 დეკემბერს წარმოდგენილ იქნა შპს „ნდს მშენებლობის“ (ს/კ: 206046795) 2017 წლის 19 დეკემბრის № 168 მომართვა (რეგისტრაციის № 11519), რომლითაც მიმწოდებელმა მოითხოვა თეთრ სიაში რეგისტრაციის ვადის გაგრძელება. 2017 წლის 26 დეკემბერს შპს „ნდს მშენებლობამ“ წარმოადგინა 2017 წლის 26 დეკემბრის № 175 დაზუსტებული მომართვა (რეგისტრაციის № 11742), რომლითაც მიმწოდებელმა გამოასწორა მის მომართვაზე სააგენტოს 2017 წლის 22 დეკემბრის № 5416 წერილით დადგენილი ხარვეზი.

სააგენტომ განიხილა მიმწოდებლის თავდაპირველი და დაზუსტებული მომართვა თანდართული დოკუმენტაციით და მიიჩნევს, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2016 წლის 26 თებერვლის № 2 ბრძანებით დამტკიცებული „თეთრი სიის წარმოების წესისა და პირობების“ მე-3, მე-4 და მე-7 მუხლებით განსაზღვრულ მოთხოვნებს.

დადგენილია, რომ შპს „ნდს მშენებლობის“ (ს/კ: 206046795) თეთრ სიაში რეგისტრაციის ვადა, საქართველოს ზოგადი ადმინისტრაციული კოდექსის 94-ე მუხლის პირველი და საქართველოს სამოქალაქო საპროცესო კოდექსის 61-ე მუხლის მე-2 ნაწილების გათვალისწინებით, იწურება 2018 წლის 22 იანვარს. აქედან გამომდინარე, სახელმწიფო შესყიდვების სააგენტოს თავმჯდომარის 2016 წლის 26 თებერვლის № 2 ბრძანებით დამტკიცებული „თეთრი სიის წარმოების წესისა და პირობების“ მე-6 და მე-7 მუხლების შესაბამისად:

1. შპს „ნდს მშენებლობას“ (ს/კ: 206046795) 2018 წლის 23 იანვრიდან გაუგრძელდეს თეთრ სიაში რეგისტრაციის ვადა.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, № 6), კანონმდებლობით დადგენილი წესით.

თავმჯდომარე

ლევან რაზმაძე